

Publicaziuns officialas dils 13 da mars 2026

Vischnaunca Trun

Damondas da baghegiar

Datum da publicaziun: 13-03-2026

Petent: Klaiss Magnus
Rainstrasse 28
8808 Pfäffikon/SZ

Object: Midada d'ina senda per pedunz en in vial carrabel sin parcella 1858 a Trun

Zona: Zona dil vitg

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Registraziun datas da structura per l'agricultura

Il portal per la registraziun da datas da structura per l'agricultura ei aviarts naven dils **5 da mars entochen ils 19 da mars 2026**.

En cass che zatgi basegna agid stattan Lucas Tomaschett (079 232 18 71) ni Lucas Arpagaus (079 609 51 43) bugen a disposiziun.

Suprastanza communal Trun

Informaziun en connex cun l'entrada en vigor dalla nova lescha davart il parcar sin intschess communal da Trun

Il temps dall'exposiziun publica dallas novas restricziuns da traffic ei currius giu. Ei ha dau neginas protestas. Las uras da parcar sil plaz center communal e visavi la Cuort Ligia Grischa ein montadas, denton aunc buca activadas. Duront las proximas jamnas vegnan las signalisaziuns e las tablas sin ils singuls parcadis montadas. Las empremas controllas dils parcadis han liug suenter che tut las tablas ein montadas. La suprastanza communal vegn ad informar la populaziun sin la pagina d'internet, el fegl official e sin la tabla nera digitala avon che schar exequir las empremas controllas.

Cartas da parcar per parcar permanentamein san vegnir retratgas tier l'administraziun communal.

Sin fundament digl artechel 3 dall'ordinaziun davart il parcar sin intschess communal da Trun 2026 ein las taxas vegnidadas fixadas sco suonda:

Lubientscha dall'jamna: frs. 30.-

Lubientscha dil meins: frs. 50.-

Lubientscha digl onn: frs. 400.-

Sin suandonts parcadis eis ei **buca** pusseivel da parcar cun carta:

Center communal, Campadi Ogna, Plazs da tennis, Piazza da giugs

Per ulteriuras damondas stein nus bugen a disposiziun (081 920 20 40 ni canzlia@trun.ch).

Administraziun communal Trun

Reorganisaziun en connex cun la dismessa da rumien terminada Supplica da buca pli metter sacs el liber

Preziadas convischinas e preziai convischins

Cun l'avertura dalla Cuort da rimnada Ogna ei il project per la nova organisaziun da rumien en vischnaunca serraus giu. Duront ils davos onns ein 12 molocs per rumien da casa vegni installai en las differentas fracziuns da nossa vischnaunca. Ils loghens nua ch'ei vegneva dismiss sacs el liber la mesjamna vegnan sligiai si naven d'immediat. La populaziun vegn supplicada da dismetter il rumien da casa en in dils molocs.

Suprastonza communal Trun

Inoltraziun declaronza da taglia 2025

Tuttas persunas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2026** per persunas cun activitad da gudogn dependenta, scolars, students, pensiunai, disoccupai.
- **30 da settember 2026** per persunas cun activitad da gudogn independent, societads semplas e persunas domiciladas ordeifer il cantun cun interpresas el Grischun.
- **30 da settember 2026** per persunas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2025 ein d'inoltrar sco suonda:

Administraziun da taglia dil cantun Grischun

Verarbeitungszentrum 1/KO

Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch (Fristenerstreckung)
- Las damondas da prolungaziun ein d'inoltrar cun las suandontas indicaziuns: numera da AVS, num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

L'allianza da taglia Trun-Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier l'allianza da taglia Trun-Sumvitg (081 920 25 01).

Conjugals che vivan giuridicamein ed effectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins.

Davart ulteriuras damondas stat l'allianza da taglia Trun-Sumvitg a disposiziun.

Allianza da taglia Trun-Sumvitg

Biblioteca Trun

Venderdis, ils 13 da mars allas 19.30 uras envida la biblioteca ad ina prelecziun. L'autura Ludivina Candinas-Collenberg presenta la secunda ediziunda «Gloria e tschugalatta». Esther Simeon-Lombriser accompogna ella e prelegia ord il cudisch niev. Nus selegrein sin vossa preschientscha.

Las bibliotecaras Esther, Letizia e Marina

Turnier da bigliard dil Club da ballapei Trun/Rabius

Sco mintg'onn organisescha il Club da ballapei Trun/Rabius il tradiziunal турниr da bigliard. Uonn ha quei турниr liug naven dils **13 da mars entochen ils 11 d'avrel 2026** ella Pizzeria da Stefano a Trun.

In cordial beinvegni fa il CB Trun/Rabius cun ses organisaturs e scribents